

80. 咽痛

杨左

脉沉实，苔微黄，咽痛，便难，此为阳明炽盛，当下之。

生川军二钱 火麻仁三钱 苦桔梗一钱

炙甘草二钱 炙僵蚕二钱

王慎轩记：此方一剂知二剂已，然咽病属此者甚少，读者勿以此为例。

咽喉不舒，默默欲卧，脉沉细，属手少阴，桔梗汤主之。

桔梗二钱 炙甘草二钱

王慎轩记：以上二方，纯用经方，效果如响。

【按】《伤寒论》曰：“少阴病二三日，咽痛者，可与甘草汤；不瘥者，可与桔梗汤。”脉沉细，但欲寐，是少阴病。咽喉不舒，曹颖甫认为是寒尽阳回，燥气上逆。甘草清热解毒，于未成咽疮时预防之。不瘥则用桔梗汤开泄肺气，使胃中郁热外泄，咽中痰热开破，咽痛可止。《伤寒发微》云：“予尝见道士宋左丞治咽喉证。常用青梅去核，中包明矾，置瓦上煨灰，吹入病人咽中，热痰倾吐而出，虽疮已成者，犹为易愈。此亦仲景用桔梗汤之遗意也。”

81. 腰痛

腰痛常多，小便数，肾气衰也，当补之。

川杜仲三钱 川断肉三钱 菟丝子三钱

桑螵蛸二钱 云茯苓三钱 覆盆子三钱

炒泽泻二钱 金匱肾丸六钱

82. 腰下痛

腰以下痠痛，阴雨则甚，脉迟滑，此为寒湿，当予温化。

干姜三钱 木瓜三钱 生附片二钱

泽泻四钱 防己二钱 云茯苓三钱